

# IL RISULTATO DEL SUFFRAGIO UNIVERSALE

(o meglio) del voto allargato

POESIA IN DIALETTO ROMAGNOLO

In tutt Italia i liberel  
chià vlu e soffrag universel,  
molt d' Lour, per no di tutt,  
iavrà veist ades i frutt  
cla porté alla società  
per e bein d' cl' umanità  
cla lavora e cla patisc ?  
am maravei pou chi capisc !.  
La riforma la è bela !.  
ma a n'era ora ades da dela !  
trop prest a dei ma l'operai  
e vot politich, le ste un sbai !  
Me a scomett a psei conté  
iinalfabet che andè a votè  
sora zent i ne sarà  
tre ! chi sava quell chi fa !  
e rest iè ste suggestioned  
da ielt, comè tent incanted.  
Sarea ste ben un espedient  
e più bel.. e più potent !  
acciò ch' iavessa ioperai  
i su direitt chin ià 'vu mai !.  
Ma bisognava che sta zenta  
in te crenie chies vu drenta  
un po' d'zarvel da ragionè  
d' quell chii steva ben a fe  
pe tornacont di su interess !.  
no in tla testa avé de zess  
dla ricota o pulantoun  
a cred mi pret e mi patroun !?  
Perché i pret in ià d'antrè  
con l'affer d'andé a votè !  
i su dover la su missioun  
le d'badè sla religioun  
che Crist ancora per tel segn  
e diss, che quest a ne e su regn !  
I patroun le un ent lavour  
iavrà direitt d'ess ellettour...  
ma no d'sedus mi contadein  
perche i lavora i su terrein  
da votè com i vo Lour  
quest am per un grand error !  
E voielt povre operai  
no dei ment sinò le un guai !  
a n'avri tent istruzioun,  
ma fra tent i ne qualdoi  
chià bon sens, chii po arrivè  
quell te mond che sa da fe !  
a ni da ve abbastenza veista  
d'emancipev da iaffareista

dai borghes da tutt e cler  
e da di french e vost parer ?  
Intent iv veist, quel cle succes  
tal votazioun chià fat ades ?  
Invec d'andé te parlament  
di bon omne verament  
si prinzipie umaniterie  
le andè molt reazionerie  
più degn d'un guerne di papel  
che d'un guerne l'iberel !.  
Do che me a rest maraviad  
che nissun i ià pansed !.  
Chi quatre gat de parlament  
democratic chià talent  
is ne poteva immaginè  
che poc e iera da sperè  
da ioperai at chel regioun  
do ca n'iera associazion !  
Do chiè al legh com a Milen,  
in poc paeis Napoleten,  
un po in Emilia, te Freres,  
in Romagna in chi paes  
do chiè tutt organized,  
un po d'vot ii iavrà ded  
ma chi quatre socialeista,  
ma do chiè di sanfedista,  
di scociarel, di ner, di scur  
in n'ha avù nissoun d'figur !  
E l'era queist già chi formeva  
e maggior numer chi conteva !  
E la ha capida Gentiloun  
nn gesuita poc qua....  
quant l'aveitt santì l'odour.  
dla nova leggìa a s'iellettour !  
E diss, ià crisù nov' dis migloun ?  
queist iè quasi tutt sa noun...  
perchè in sa ne lez e scriv,  
in sa sié mort oppur sié viv  
per cont d'politica sta zenta  
donca noun mittima drenta  
a propaghè ma tutt e cler  
e a vidri che e corp inter  
di scucciarell iè per noun  
e a seppelimm tutt i Massoun !  
Ed infat an fu un fagot  
e na ciapé dusontventot !  
di deputed a tla su reda  
chià giurè s'un pat la feda  
da favori mi clerichel !.  
el ste furb, o no ! st'fanel ? !

E se qualcosa different  
 chi proponess in Parlament,  
 che fuss ench'na leggja bela,  
 sin sta sotta la capela  
 d' Gentiloun e d' Dellatorra  
 sarà inutil chi discorra!

A sinistra e ié un partid...  
 cle brev omne chiè istruid  
 che ogni tent me guerne il tocca  
 ca ni mcr la lengua at bocca!..  
 ma una nusa dentra un sach  
 al savem cla fa poc smach!..  
 Le una minima frazioun  
 che quand a sem tla votazioun  
 per quant rasoun Lour chiva port  
 i tocca sempre ciapé e tort!..  
 Non per quest però l'Estrema  
 le pe' guerne una postema  
 at un orecchia clai da dan...  
 e slai cresceiss sarà un malan  
 clai po vni in soperazion  
 e mandel at chielt calzoun!  
 Per ora quest a na vnirà  
 perchè i ne 'na quantità  
 dalla su perta in tutt e regn  
 chi lavora e chià dl'inzegn!  
 Ma se e popul e s'educass  
 e potria es mo cla voltas!..  
 E sta at voielt bon operai  
 a fela cresc san si sonai?!

Univ mo tutt con bon amour  
 specialment iagricoltour  
 com ià fat i quà in Romagna!..  
 a ni da di can si guadagna  
 a formé un associazion  
 quand avri un po d'istruzion  
 un po d'bon sens da ragione  
 allora sè av psi emancipè!  
 Me an ve digh per metve su  
 Dio me guarda quest / mai più  
 per istighev a fe de mel,  
 ma per rendve più morel  
 più educad mei istruid  
 che basta d'ess tent invornid!  
 Perchè voielt a dil sincer  
 al fe trop e vost dover  
 le giust ca eva i vost dixeit  
 d'anma e d'corp voielt pureitt.  
 Se qualdoun i n'ha cap  
 d'anma e d'corp quel che vo di  
 al spiegarò diversament  
 acciò cal tneva ben in ment.  
 D'anma mè a m'intend a di

ca i direitt d'ess istrui  
 d'un istruzion sena, sincera,  
 chi v'insegna quel che vera.  
 La vosta besa d'ducazioun  
 la ha da ess in conclusioun  
 che s' patisc 'na creatura  
 a vi da de tutt la premura  
 d'solevel da fei de bein...  
 d'ajutel magari si quattrein  
 che sa nes, nienca e cappel  
 an cesa d'ess un nost fradel;  
 Se fuss s'na streda d'perdizioun  
 da fei sal bon 'na correzioun!  
 per potel riabilité  
 quest le quell ch'savria da fe!  
 Ma no!.. se s'ved che va te fos  
 a gridei la crosa addos!  
 i prinzipie ca insgné Crist  
 una volta i n'era queist!..  
 sebben che ades di predgadour  
 chii iava ded un ent colour.  
 E ben de corp le different  
 sarea e vost manteniment  
 per resseist a lavoré  
 che senza d'quest an poti fè!  
 sa vli cav dura l'energia  
 per qualunque lavor ch'sia  
 ben intes a te vost sted  
 senza ess esagered.

Donca mè av torne a div  
 d'educhev e d'istruiv  
 da lavoré da fe e vost dver  
 che tribunael carabinier  
 can liiva bsogn un azz...  
 e a vidri ca sri content.

Me a so vec a morirò  
 ma da che sit do ca sarò  
 per la posta av mand do righ  
 e sa si proprie ver amigh  
 me mi indirizz a i d'arispond  
 sa avri cambied i qua te mond.

Me a ho fni la poesia  
 e se la vostra cortesia  
 la sarà d'dem un soldein  
 e sarà bon d'bev un quintein.

*P. Letteraria*

G. VILLA